

宿州志

~~68439~~

230.65

139

205-1-16

光緒己丑年重修

宿州志

本州藏板

宿州舊志序

明兵部尙書方公志序

宿州禹貢徐州之域也今屬中都鳳陽府爲高皇帝龍飛之地與周酆鎬並稱焉釐而爲州者二百餘年矣士大夫過其地者仰帝都之重思帝鄉之親欲考其疆域稽其建置察其風俗辨其名物者必於志焉是稽乃歲厯事繁政有因革刺是州者往往困於簿書稽會之間因循故轍善政罕聞乃大夫崔公毅然以纂修爲已任

宿州志

舊志序

學博諸君爲之搜輯諏詢咨度殫精竭思援古證今上自春秋戰國旁考百家紀事之言有關於民風土俗者彙而成書缺者補之重者刪之蕪者去之訛者正之疑者缺之閱九月而書成乃不遠千里走使屬書欲余序其首且余季子日興以左遷判斯州於大夫有同寅之義余焉得而無言今觀其目錄曰郡紀曰輿地曰建置曰食貨曰禮制曰兵防曰古蹟曰職官曰選舉曰武選曰人物曰雜書曰著作甬卷二十有一

井井然有條而不紊燦然若日星爲昭焉觀者
不下堂城而山川之險易風土之美惡徭賦之
重輕如在目中矣然則大夫之功也不旣多乎
且大夫之爲政也本忠恕誠一之心無雕琢修
飾之行今觀其聽訟三異發奸摘伏殆若神明
其治民也嚴焉而不急寬焉而不弛惠溥而化
行人徒知大夫之賢而不知所得是書之益爲
多也余老矣無能文矣不能殫述以彰厥美今
姑序其大畧如此云

宿州志

舊志序

二

萬曆二十四年秋七月吉日光祿大夫柱國少
保兼太子太保兵部尙書嘉魚樗野方逢時撰

明知州崔公志序

宿之有志繇來舊已始自永樂初年再修於景泰再修於嘉靖間蓋凡三舉矣萬曆甲午余叨承乏將考古問俗采風觀民用俾政理時取郡志閱之則或舛而弗信或靡而弗精或俚而弗文蓋殊弗當余衷者余時亟欲一刪正而訂葺之顧蒞土方始諸凡倥偬兼之地方久敝卽日圖振刷而弗之逮頃乃屬之學博汪君四三輩及諸弟子員共圖之蒐古今覽史傳採故實核

宿州志

舊志序

三

輿論如此而閱月者九易藁者四乃卒業綱凡十四目凡六十有九編彙成帙挈以示余且曰志郡邑史也史可易言哉斯役也遵指畫據舊章黜奢諛崇質實惟以正訛訂誤用備采覽至於斟酌損益要諸至當往之光前緒後之垂來襪則豈譎劣所及願請裁焉余受而讀之再過乃躍然起曰嗟夫志之作類失則冗則略則舛則誕四者起而君子亡睹焉茲志也據事直書無所回護其事核其體嚴其義斷且也合數人

之精神而若出一人經三季之筆削而若出一筆靡所爲冗爲略爲舛爲誕卽質之史氏且無愧者余焉用裁之學博諸君諸弟子員復固請余復受而讀之復再過乃又躍然起曰茲志也豈徒然哉披而閱之可以對四境民風於一眉睫之間可以覽數百里延袤於不出戶庭之內可以上下千百載往喆先猷元勛鉅卿英芳茂軌於一朝暮之際余復焉用裁之焉用裁之於是遂用銀梓學博汪君文奎休寧人管君護蘭

宿州志

舊志序

四

陽人盧君邦俊金谿人王君應期龍里人弟子員則楊生效時沈生一麟廖生世科趙生大試也

萬曆丙申夏五月奉直大夫知宿州大名崔維嶽書

明盧孟顓志跋

國家設立郡邑必有乘以紀一郡之事蓋世道升降風俗涓滴政治得失人才高下咸於此乎繫之宿志由嘉靖丙申以來又越六十有一禩矣夫世歷久則人事不無變通更閱多則舊章不無殘損我郡牧崔公之來守茲土也甫半朞而百廢犁然振舉尤以其有餘精神加意於郡志一節蓋以宿爲我聖祖龍興畿郡其典章遺物固不可使之一日而殘且逸也爰屬諸博士

宿州志

舊志跋

五

汪君等諸弟子員合力而校讐之事在丙申以前則取其往者而刪之訂之事在丙申以後則取其來者而條之附之旣六月業已成書矣乃郡牧公猶未已也以郡志卽郡史也古史類一家言如魯邱明漢子長晉董狐具然也不以俊謫鮮無似獨命俊從諸公後而覽成焉俊辭之凡再四弗克乃亦不敢低昂已意而幸諸公緒之可尋也於是凡所收載一稟諸郡牧公之所指畫汪大博諸君子之所讐校否則毋宜闕焉

其間或有所當釐正則亦不得已求爲忠臣於
以拾遺補缺焉耳從諸君子後又閱三月而書
成嗟夫昔朱考亭守南康下車問志君子謂其
政知所先郡牧公固考亭意也如俊不材執筆
於諸君子之後將不蹈崔鴻之著作伯饒之筆
削乎奈何追其愆與辜也是用戰慄題於末簡
萬曆丙申夏六月上澣之吉金谿盧邦俊孟籲
甫識

前知州董公重修志序

古人有仕宦登朝而恨未獲親民者誠以宣上德達下情惟司牧者爲甚近且甚捷也顧膺斯職也有牧民之任亦有守土之任有撫字之任亦有催科之任必熟悉其山川之險易疆域之廣狹土田原隰之饒瘠習俗之剛柔美惡賦役之輕重煩簡而後因而整齊之利導之不致有膠柱鼓瑟之患未來之得失必取鑒已往之利弊此郡之有志所以不容畧也余蒞任伊始卽

宿州志

舊志序

七

訪求宿志閱之得有明萬厯中舊本三冊乃州守大名崔公維嶽手訂也若輿地若形勝若賦役若禮制學校兵防以及古蹟職官孝行文章人物節烈上自春秋下迄元明凡有裨治理有關風化者靡不考核精嚴條分縷析備載無遺展卷之間而一州之古今風景四境之高卑瞭然在目可不謂一代良史乎但勝國之遺文率皆往跡而

本朝之因革釐定與人物節孝文章著作之應期而

出者概乎未有聞也則纂輯之役非余之責而誰責歟用是訪之父老詢之名宿得鄉先正任君柔節家藏志稿一卷其紀載近事甚悉藉爲藍本與本學師儒商確纂修欲使續輯新編與舊志後先輝映豈不快哉然非史學素裕才識兼優者未易勝任久知廩貢周生開官甬上名儒理學淵源博聞強識延以操觚用光簡冊發凡起例列目提綱一切由舊而增新訂舛益加精嚴合前志以成書亦竊比獲麟筆絕而紫陽

宿州志

舊志序

八

之綱目繼之綱目局終而文莊之續編繼之之意云爾庶幾乎俾宣上德達下情者有所考稽焉而整齊之利導之亦便於神明變化其間矣因贅其略於篇端云

康熙五十七年歲次戊戌孟夏穀旦宿州知州會稽董鴻圖撰

前學正潘公重修志序

康熙五十三年會稽董公來守茲邦蒞任之初
闕城池理賦役舊所貯典章靡不次第省覽於
郡志一編尤慮其世遠文佚無以鑒往跡而昭
來訓然歲已云暮矣明年正月宣講

上諭於聖果寺顧謂余曰郡之志國之史也史無一
代不修而志顧聽其世隔兩朝時經百載而漫
不爲之裒輯網羅是將使前人之良法美意因
革損益之制度無所徵述吾滋懼焉子其念之

宿州志

舊志序

九

是年公捐葺

文廟余鳩工是任晨夕與匠作伍終歲而始訖工未
遑也明年春余率諸弟子應試中都往還者三
及秋公適繕城垣又未遑也至丁酉公蒞政三
年矣利無不興弊無不除其於人庶亦旣苗蔣
而櫛理之乃於退食餘閒思償夙願而又時抱
一文獻無徵之懼也旣得周任兩先正續志一
帙喜畀余曰是不可以備稽核而廣見聞乎余
受而考之上自明季下迄

本朝分門別類歷歷可觀然由壬子至今近五十年則闕如矣竊念此五十年中風俗之移易幾何職官之遷除幾何以至選舉之乘運而興節孝之逐時而見者又不知幾何自非生長是邦博聞強識者其孰能知之因逡巡不能決已而廉得周君建六甬上耆儒成均宿學遂言之於公同事茲局相與參考闕疑徵信或悉仍其舊或遞增其新或旁稽之人或內斷之己酉秋受事越戊戌春而告成嗟乎今之爲吏者錢穀獄訟

宿州志

舊志序

十

盜賊逋逃送迎供張之繁一人之身而考成之目以數十計疲精耗神思慮擾其中耳目亂其外庶幾奉職救過至於史乘文墨之林非惟不能作也寓目而瀏覽者亦十不得一焉公之爲宿州也政簡刑清不動聲色而百務具舉又能博極羣書通知今古嘗自昇十三經廿一史等書至署中暇則披覽雖夜分弗少休以故凡所著作無不根柢深厚吐屬典雅而迥絕時蹊余非阿私所好也卽其序文暨咏閔祠騫山諸詩

讀之可以窺見一斑矣茲役也亦第就公平日所口授及手錄者補綴成編藉手復命於公究未能詡詡焉自抒一見以駕乎其上而軼乎其外也夫鑑水知貌鑑古知政後之蒞茲土者綜核之下必曰某事便民某事厲民其尙知公所從事爲不朽也夫謹序

康熙戊戌孟夏月宿州儒學學正桐城潘仁樾頓首拜撰

州人按察司副使丁公重修志序

各國之疆域不同其間之山川城郭土壤田賦與夫人品之賢愚物材之美惡以及政治之因革損益習尚之華浮醕樸亦皆各異故國必有史所以紀事垂遠昭信足徵佐休明之治而備輜軒之採者也然非有良司牧博通淹雅倡化於上經明行修之儒從而草創討論修飾潤色之亦烏能廣採彙集考核精詳煥然一代之巨觀哉江南鳳陽府屬郡之宿州粵稽職方卽古

宿州志

舊志序

三

宿國漢爲銍縣宋爲符離負嵒山臨濉水踞梁宋吳楚之衝固淮北一大都會也舊有志惜其殘廢闕略已百二十餘年矣其山川雖舊而人物風土天時人事今昔改觀且百餘年來忠臣孝子理學名宿烈女節婦潛德幽光諸軼事不知經歷幾何有全無記憶者亦有得之父老傳聞者更有前輩筆諸書冊可取而證驗者若不急爲修明將年歲愈遠其湮沒於荒烟蔓草中者不知幾何矣幸逢會稽董先生以名儒來刺

是邦清風夾轂聽訟嚴明無枉無縱惟恕惟公
下車以來厲精圖治百廢俱興首捐貲修
文廟位置魁樓以勵多士更念州志不修何以紀事
考績稽古衡今以上佐

聖天子文明之治下開數百年維新之化乎因索覽
舊志見前之郡侯授事於周君廷棟任君柔節
者皆未告竣慨然以爲已任設局館聘高士廣
諮諏博見聞而周君廷棟之季子開官與襄厥
事學博潘胡兩君校正參考公退食稍暇卽搦

宿州志

舊志序

三

管辨論絕請託去疑議務期詳切有據典雅得
體未數月而志成按集披覽凡郡之山川城郭
土壤田賦與夫人品之賢愚物材之美惡以及
政治之因革損益習尚之華浮醕樸無不瞭若
指掌卽百餘年之忠臣孝子理學名宿烈女節
婦潛德幽光亦不致湮沒於荒烟蔓草中矣此
良司牧之博通淹雅董率倡化不遺餘力故得
此書之聿觀厥成昭前徽而光後禩也是爲序
康熙五十七年戊戌初夏

賜進士出身分守廣東肇高廉羅兵備按察司副使
郡人丁易撰

宿州志

舊志序

十四

州人周開官重修志跋

志也者編年紀事之書也必隨時記載以紀事實而秉筆者采而輯之以信今而垂後久則無徵君子有遺憾焉宿志自萬歷丙申州守崔公重修後迄今百二十年無起而續之者惟先君子豫章公當

國朝初避喧山居閱歷時事於政教風化國計民生所攸關者一一筆之於冊嘗於過庭之暇竊謂余曰假我數年畢茲采輯倘得一賢郡守有志

宿州志

舊志序

五

修明或可効一得之助耳卒未酬所願後耄年艱於載筆因以副本屬之定子任先生而先生亦頗多潤色增補之功迨先生既沒遂杳無其人壬子至今近五十年時事蔑如矣夫稽往詔來士君子之責也維風勵俗良有司之任也孰忍聽其廢墜至斯耶適會稽董父母來守是邦才長政舉百廢具興復於蒞治餘暇慨然以增修郡志爲任洵盛典也而委其事於開官義弗獲辭因同外翰潘君搜羅舊典察驗輿情凡關